

Mensahe 8

**Gitukod ang Paril sa Syudad
aron Mapanalipdan ang Iglesia nga Balay sa Dios**

Basahong Kasulatan: Neh. 1:3; 2:9-20

- I. Ang basahon ni Esdras kasaysayan sa pagpamauli sa pagkabihag sa Israel ug sa pagtukod pag-usab sa templo; ang basahon ni Nehemias kasaysayan sa pagtukod pag-usab sa paril sa syudad sa Jerusalem—Neh. 2:17-20:**
- A. Ang syudad sa Jerusalem maoy bantay ug panalipod alang sa balay sa Dios, nga naa sa syudad—v. 13:
 - 1. Nagtimaan kini nga ang balay sa Dios nga puluy-anan ug panimalay Niya dinhi sa yuta nagkinahanglan sa Iyang gingharian nga maestablisar isip ginsakpan nga magbantay sa Iyang mga tinguha dinhi sa yuta alang sa Iyang administrasyon, aron matuman Niya ang Iyang pamatigayon—v. 15.
 - 2. Ang pagtukod pag-usab sa balay sa Dios naghulagway sa pagpahiuli sa Dios sa nadaot nga iglesia, ug ang pagtukod pag-usab sa paril sa syudad sa Jerusalem naghulagway sa pagpahiuli sa Dios sa Iyang gingharian—vv. 17-20.
 - B. Magkuyog ang pagtukod sa Dios sa Iyang balay ug ang pagtukod Niya sa Iyang gingharian—Mat. 16:18-19.
- II. Ang unang seksyon sa basahon ni Nehemias, ang mga capitulo 1 hangtod sa 7, naghigot sa pagtukod pag-usab sa paril sa syudad sa Jerusalem nga gipangunahan ni Nehemias:**
- A. Nakabalita si Nehemias nga nangaguba ang paril sa Jerusalem ug gipangsunog sa kalayo ang mga ganghaan—1:3b.
 - B. Gihisgotan sa Nehemias 2:9-16 ang pagpanaw ni Nehemias paingon sa Jerusalem ug ang personal nga napanid-an niya sa kahimtang sa paril sa syudad sa Jerusalem.
 - C. Pulong kalabot sa pagtukod pag-usab sa paril sa Jerusalem ang Nehemias 2:17-20:
 - 1. Ang templo mao ang dapit sa presensya sa Ginoo, diin makigtagbo ug moalagad ta sa Ginoo, apan nagkinahanglan kinig panalipod.
 - 2. Ang paril sa syudad maoy panalipod sa templo; kon wala ang paril sa syudad, wala gyoy panalipod.
 - 3. Dili alang ra sa pagpanalipod ang paril sa syudad kondili alang sab sa paggahin.
 - 4. Gisultian ta sa basahon ni Nehemias nga motukod gyod tang tanan sa bahin nato sa paril; motukod gyod ang matag usa sa kaugalingon niyang bahin—4:6, 19.
 - D. Tiunay gyod tang mosunod sa sumbanan ni Nehemias nga “tukoron ang paril,” tukoron ang iglesia nga gingharian sa Dios, aron mapana-

Mensahe 8 (sumpay)

lipdan ang iglesia nga balay sa Dios, ang puluy-anan Niya—2:4, 10, 17-20; Efe. 2:21-22.

III. Ang tuyo sa pagtukod sa paril pagdala man kanatong tanan sa hustong han-ay sa kinabuhi ubos sa pagkaulo ni Cristo—1:22-23; Col. 1:18; 2:19:

- A. Si Cristo ang Ulo sa Lawas, sa iglesia, sa hiniusa ug sa tanang magtutuo sa tinagsa; Siya ang direktang Ulo sa tagsatagsa nato—1:18; 1 Cor. 11:3.
- B. Kinabuhing gipahiusa ubos sa bugtong-talagsaong pagkaulo ni Cristo ang iglesiahanong kinabuhi—Efe. 1:10, 22-23; 4:15-16; Col. 2:19.
- C. Kon tahoron nato ang bugtong-talagsaong pagkaulo ni Cristo, nan, diha sa pahiuili sa Ginoo dili lang balay ang iglesia kondili syudad sab—Heb. 11:10; Esd. 1:2-3; Neh. 1:9; 2:5, 17; 1 Tim. 3:15; Bug. 21:2, 10-11:
 1. Ang iglesia nga balay labi gyong may kalabotan ni Cristo nga kinabuhi, ug ang iglesia nga syudad labi gyong may kalabotan ni Cristo nga Ulo—1 Tim. 3:15; Mat. 5:14; Col. 3:4; 1:18:
 - a. Kon masinati ug mapahimuslan nato si Cristo nga kinabuhi, maa-naa nato ang iglesia nga balay; kon maamgohan nato ang bugtong-talagsaong pagkaulo ni Cristo, modako ang iglesia nga syudad, nga nagtimaan sa gingharian sa Dios—Mat. 16:18-19.
 - b. Gitukod ang iglesia nga syudad dili lang pinaagi ni Cristo nga kinabuhi kondili pinaagi sab sa pagkaulo ni Cristo; busa, kinahanglan nga dili lang kinabuhi nato si Cristo kondili Ulo sab nato—Col. 3:4; 1:18; 2:19.
 2. Kon tahoron nato ang bugtong-talagsaong pagkaulo ni Cristo, modako ang iglesia sa pagka-balay niini ug mahimong syudad alang sa Hari ug sa Iyang gingharian—Sal. 48:1-2; 1 Cor. 1:2; 12:12-13, 27; Efe. 1:22-23; 4:15-16; Bug. 21:2, 10-11, 14; 11:15.

IV. Tukoron gyod nato ang paril aron mapanalipdan ang iglesia gikan sa naglahing mga pagtulon-an, nga sukwahi sa pagtulon-an sa mga apostol—Buh. 2:42; 1 Tim. 1:3-4:

- A. Ang naglahing mga pagtulon-an nagpasabot sa mga pagtulon-an wala magsubay sa pamatigayon sa Dios—6:3.
- B. Ang naglahing mga pagtulon-an sa 1:3-4, 6-7; 6:3-5, 20-21 ug ang mga erehiya sa 4:1-3 maoy binhi, tinubdan, sa pagkadaot ug pagkaunlod sa iglesia.
- C. Makaguba sa pagtukod sa Dios ug makapawalay-pulos sa pamatigayon Niya ang pagpanudlog lahi; bisan ang gamayng pagpanudlog lahi makadaot man sa pahiuili.
- D. Alang sa pagdumala ug pag-atiman sa iglesia lokal, ang unang gikina-

Mensahe 8 (sumpay)

hanglan mao ang pagtapos sa naglahing mga pagtulon-an sa mga mabingkilon, nga makapasimang sa mga balaan gikan sa sentrong linya sa pamatigayon sa Dios—Tito 1:9.

- E. Likayan gyod nato ang naglahing mga pagtulon-an ug itingob ang atong pagtagad sa pamatigayon sa Dios kalabot ni Cristo ug sa iglesia—1 Tim. 1:3-4; Efe. 3:9; 5:32.

V. Kon matukod ang paril diha sa iglesia, mapanalipdan ta gikan sa mga tawong gigamit sa kaaway sa pagguba sa buhat sa pagtukod sa Dios:

- A. Ang mga maglalaglag sa diosnong pagtukod mao ang mga nagsangyaw ug nanudlog mga erehiya—2 Ped. 2:1; 2 Juan 7-11:
 - 1. Ang mga nanudlog mga erehiya kalabot sa persona ni Cristo mga anticristo, nga nilimod sa persona sa Ginoo nga Agalon ug sa Iyang pagtubos, nga pinaagi niini gipalit sa Ginoo ang mga magtutuo; ang paglimod nga Dios ang tawo nga si Jesus dakong erehiya gyod—v. 7; 1 Juan 2:18, 22-23; 4:2-3.
 - 2. Gipasidan-an sa apostol ang mga magtutuo nga bantayan ang ilang kaugalingon kay basin maimpluwensyahan sila sa mga erehiya ug mawad-an sa mga butang sa kamatuoran; isalikway gyod nato ang mga nilimod sa pagsamkon ug pagka-Dios ni Cristo, dili sila abia-bihon sa atong balay o timbayaon ba sila—2 Juan 8-11.
- B. Ang mga maglalaglag sa diosnong pagtukod mao ang mga mabahinbahinon, kun mapundokpundokon—Tito 3:10:
 - 1. Ang tawong mabahinbahinon tawong erehison ug mapundokpundokon nga makaingon sa mga pagbahinbahin tungod sa pagpormag mga pundokpundok diha sa iglesia segun sa kaugalingon niyang mga opinyon; aron mamintinar ang maayong han-ay sa iglesia, isalikway gyod ang tawong mabahinbahinon human sa una ug ikaduhang pagpahimangno—v. 10.
 - 2. Kay makatakod man kanang pagkamabahinbahinon, alang sa kayayohan sa iglesia kining pagsalikwaya aron maundang ang pakig-kontak sa tawong mabahinbahinon—itandi sa Num. 6:6-7.
- C. Ang mga maglalaglag sa diosnong pagtukod mao ang mga naghimog mga pagbahinbahin—Rom. 16:17:
 - 1. Sa Roma 14 matugtanon ug puno-sa-grasya si Pablo kalabot sa pagdawat sa mga lahig doktrina o batasan; apan, sa Roma 16:17 lig-on ug hugot gyod siyang niingon nga “timan-an [gyod nato] kadtong naghimog mga pagbahinbahin ug mga hinungdan sa pagkapan-dol supak sa pagtulon-ang nakat-onan na ninyo, ug magpalayo mo nila.”
 - 2. Gidumtan sa Ginoo “ang tawong nagtisok og panagbingkil diha sa mga igsoon”—Prov. 6:16, 19.

Mensahe 8 (sumpay)

- D. Ang mga maglalaglag sa diosnong pagtukod mao ang mga nangambisyon sa posisyon—3 Juan 9:
1. Dili gyod ta magtinguhang manguna sa bisan unsang buhat alang sa Ginoo; kini ang malimbongong buhat sa natagong ambisyon nga makig-indigay sa uban aron manguna—v. 9.
 2. Ang mga maglalaglag sa diosnong pagtukod mao ang mga lobo, nga dili maluoy sa panon, ug ang mga namulong og hiwi nga mga butang aron magdani sa mga tinun-an nga mosunod nila—Buh. 20:29-30.

VI. Sa matukod na ang paril, makasukol na ta sa pag-ataki sa kamatayon sa iglesia ug makatukod sa Lawas ni Cristo diha sa kinabuhi sa pagkabanhaw ni Cristo—Mat. 16:18; Juan 11:25; Efe. 1:22-23; 4:16:

- A. Ang kamatayon maoy kinaiya sa buhat ni Satanas; ang kinataposang tumong sa buhat niya mao nga suropan niyag kamatayon ang tawo—Heb. 2:15.
- B. Gipakita sa Mateo 16:18 kanato kon asa maggikan ang pag-ataki batok sa iglesia—“ang mga ganghaan sa Hades,” sa ato pa, ang kamatayon:
1. Ang espesyal nga tumong ni Satanas pagpakatap mag kamatayon sulod sa iglesia, ug ang labing gikahadlokan niya kalabot sa iglesia mao ang pagsukol niini sa iyang gahom sa kamatayon—Bug. 2:8, 10-11.
 2. Makaila tali sa kamatayon ug kinabuhi ang iglesiang gitukod ibabaw “ning dakong bato,” ug dili makadaog niini ang mga ganghaan sa Hades—Mat. 16:18.
- C. Kinahanglan makaila ta ni Cristo nga mao ang Una ug ang Ulahi—ang naa-kanunay, dili mausab—ug ang namatay ug nabuhi pag-usab—Siya nga mao ang pagkabanhaw—Bug. 1:17-18; 2:8; Juan 11:25; Buh. 2:24.
- D. Matukod nato ang Lawas ni Cristo diha ra sa kinabuhi sa pagkabanhaw ni Cristo—Efe. 2:6, 21-22; 4:16; Bug. 1:18; 2:8; Fil. 3:10:
1. Naa sa kinabuhi sa pagkabanhaw ni Cristo ang Lawas ni Cristo—Juan 11:25:
 - a. Pagkabanhaw ang kinaiya sa iglesia nga Lawas ni Cristo—Buh. 2:24; Efe. 1:19-23.
 - b. Bag-ong binuhat ang iglesia nga gilalang sa pagkabanhaw ni Cristo ug sa nabanhawng Cristo—1 Ped. 1:3; Efe. 2:6; Gal. 6:15.
 2. Naa sa pagkabanhaw ang Lawas ni Cristo, ug si Cristo nga Espiritung taghatag-og-kinabuhi maoy realidad sa pagkabanhaw—Juan 11:25; 20:22; 1 Cor. 15:45b.
 3. Ang prinsipyo sa pagkabanhaw mao nga gipatay ang natural nga kinabuhi ug nibangon ang diosnong kinabuhi aron mopuli niini—2 Cor. 1:9.

Mensahe 8 (sumpay)

4. Dili ngani ta magkinabuhi sa natural nga kinabuhi kondili sa dios-nong kinabuhi nga naa sa sulod nato, naa ta sa pagkabanhaw; ang lugwa nianang pagkinabuhia mao ang pagtubo ug pagtukod sa iglesia nga Lawas ni Cristo—Fil. 3:10-11; Efe. 4:15-16; Col. 2:19; 3:15.